

Үәде орындалды ма?

2018 жылы ауыл әкімдерінің тұрғындар алдындағы есеп беру жиынында бірқатар мәселелер көтерілген болатын. Үәде етілген шаруалардың атқарылғаны қуантады. Десе де сапасыз жасалған жұмыстар да жоқ емес.

Оралхан ҚОЖАНОВ

Қала әкімі аппараты басшысының міндетін атқарушы Қанат Кәрімовтің мәліметінше, кестеге сай Солнечный кентінде 5 қабатты тұрғын үй қайта жаңартылып, балалар ойын алаңы бой көтеріпті. Алайда кент жолдарына ағымдағы жөндеу жұмыстары нашар жүргізілген. Бұдан білек, Төртүй ауылына су құбыры тартылып, қала көшелеріне жарық шамдары, жол белгілері орнатылыпты. Әттеген-айы, бір жыл бойы Төртүй-Мыңтомар тас жолына су өткізу құбырын салу жұмысы қолға алынбаған. Ауыл әкімі Куантай Асылов бюджеттік комиссия мүшелері жобаны мақұлдамағанын алға тартады. Шаһар басшысы Нұржан Әшімбетов қыркүйек айынан бастап екі мәрте бюджетті нақтылау жиынына қатысқанын, бірақ атальған жоба жайынан бейхабар екенін айтты. Қала әкімі тұрғындардың өтініші жерде қалмауы керектігін, жобаны қорғаңда батылдық таныту қажеттігін шегелеп айтты.

Бүгінде 28 елді мекеннің 30 пайызы ғана орталықтандырылған су жүйесіне қосылған. Көрсеткішті 2020 жылы 71 пайызға арттыру жоспарлануда. Алайда бұл салада шаруа шашетектен. Су қорын анықтау, жобалық-сметалық құжаттарды өзірлеу, конкурс өткізу процесі ұзаққа созылатыны бір білек, құбыр тарту жұмыстарының да машақты аз емес. Елді мекендерді орталықтандырылған су жүйесіне қосу 2019 жылы жаппай жүргізіледі деп күтілуде. Әзірге ауыл тұрғындарының 14 пайызы тасымал су арқылы күнелтуде.

Қала әкімдігінде өткен жиында «Е-Халық» жүйесі жайлы сез бол-

ды. Атальған жүйеде қанша адамның жұмысы бар, қаншасы әлеуметтік төлемдер алады, жұмыссыз жүргені немесе өзін жұмыспен қамтыған адамдар жайлы ақпарат сақталады. Әсіресе жұмыссыз жүрген ауыл тұрғындары бұл жобаның жемісін көретін күн алыс емес. Жасыратыны жоқ, шалғайдағы елді мекеннің жұмыссыз тұрғындарының аудан орталығына қатынауға шамашарқы келе бермейді. Бір барады, екі барады, ойлағаны орындалмаған соң қолын бір сілтейтіні айдан анық. «Цифрлы Қазақстан» бағдарламасының «Е-Халық» жүйесіне көшкеннен кейін жұмыссыз қарапайым адамдардың қолы ұзарады деп күтілуде. Олар жұмыспен қамту орталықтарына сабылып бармай-ақ тұрғылықты мекенжайы бойынша жұмыссыз ретінде жергілікті әкімдікте тіркелетін болады. Сонымен бірге, қандай мемлекеттік қолдау тұрларіне құқығы бар, сол туралы да әкімдіктен жан-жақты ақпарат алды. Әзірге жүйедегі ақаулардың салдарынан 1537 ауыл тұрғыны тізімге енгізілмеген. «Е-Халық» жүйесі бойынша Екібастұз өнірі облыста 9-орында тұр.

Жиын барысында өрт сөндіру бекеті, ауыл техникалары, малды асылдандыру жайлы азды-көпті пікірлер айтылды. Жуырда «Сигма» шаруа қожалығы «Сыбаға» бағдарламасы шенберінде Ресейдің Брянск өнірінен 600 бас асыл тұқымды ангус сирын сатып алышты. Бағдарлама талаптарына сай ірі қараны сатып алуға ниетті шаруа қожалықтары өтініш білдіре алады.